

Արձանագրություն

«ԱՐՄՍՎԵ ԳՐՈՒՊ» ՍՊԸ-ի կողմից փորձաքննության ներկայացված Արագածոտնի մարզի Թալին համայնքի Ագարակական բնակավայրի կրթահամալիրի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային 2-րդ լսման

Ագարակական բնակավայր

07/02/2025թ.

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՕ-150-Ն օրենքի և Կառավարության 2023 թվականի դեկտեմբերի 28-ի N2343-Ն որոշման հավելվածի՝ 2025 թ. փետրվարի 7-ին՝ ժամը 12:00-ին Արագածոտնի մարզի Թալին համայնքի Ագարակական բնակավայրի ղեկավարի նստավայրում տեղի ունեցավ «ԱՐՄՍՎԵ ԳՐՈՒՊ» ՍՊԸ-ի կողմից փորձաքննության ներկայացված Ագարակական բնակավայրի կրթահամալիրի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային 2-րդ լսումը:

Հանրային լսմանը մասնակցում էին «ՇՄԱՓԿ» ՊՈԱԿ մասնագետ՝ Ս. Կիզիրյանը, Գ. Մինասյանը, «ԱՐՄՍՎԵ ԳՐՈՒՊ» ՍՊԸ-ի տնօրեն Տ. Առստամյանը, ներկայացուցիչ՝ Դ. Ավանեսյանը, Ագարակական բնակավայրի վարչական ղեկավարը, աշխատակիցները, բնակիչները, ուսուցիչները և այլն:

Բացման խոսքով հանդես եկավ Ս. Կիզիրյանը, ներկայացրեց, որ փորձաքննության է ներկայացվել «ԱՐՄՍՎԵ ԳՐՈՒՊ» ՍՊԸ-ի կողմից Արագածոտնի մարզի Թալին համայնքի Ագարակական բնակավայրի կրթահամալիրի կառուցման աշխատանքների շրջակա միջավայրի վրա ազդեցության գնահատման հաշվետվությունը: Նշեց, որ կատարվել են համապատասխան ծանուցումներ, գործունեության վերաբերյալ իրենց կարծիքներն են հայտնել մի շարք նախարարություններ, շրջակա միջավայրի նախարարության մասնագիտական ստորաբաժանումները և փորձաքննական կենտրոնը, որոնց կարծիքների, առաջարկությունների և դիտողությունների հիման վրա հաշվետվությունը լրամշակվել է: Հանրային քննարկման ծանուցումից հետո՝ 20 աշխատանքային օրվա ընթացքում հանրությունը կարող է իր կարծիքը, դիտողությունը կամ առաջարկությունը գրավոր կամ էլեկտրոնային տարբերակով ներկայացնել Շրջակա միջավայրի նախարարություն: Նախատեսվող գործունեության իրականացման ընթացքում՝ շրջակա միջավայրի վրա ազդեցության գնահատման և փորձաքննության նպատակն է բացահայտել, վերլուծել ու գնահատել բնապահպանական ազդեցությունները, որոնք կապված կլինեն քանդման, փորման, բեռնման աշխատանքների, հողային զանգվածների տեղափոխման, շինարարական տեխնիկայի շահագործման, բետոնային աշխատանքների, փոշու արտանետումների հետ՝ հիմքերի փորման, շինարարության փուլում, վառելիքի արտանետումներ՝ շինարարական տեխնիկայի


շահագործման ժամանակ, շրջակա միջավայրը աղտոտող վնասակար նյութերը, թափոնները, և այլ գործոններ: Թվարկված աշխատանքների հնարավոր բացասական ազդեցությունները կանխարգելելու, չեղոքացնելու կամ նվազեցնելու նպատակով նախատեսված են բնապահպանական միջոցառումներ, որոնք ներառված են հաշվետվության մեջ:

Խոսքը փոխանցեց «ԱՐՄՍՎԵ ԳՐՈՒՊ» ՍՊԸ-ի աշխատակցին, ով մանրամասն ներկայացրեց նախատեսվող գործունեությունը, նշեց, որ նախատեսվող գործունեության տարածքը գտնվում է Ագարակական բնակավայրում: Հողամասի մակերեսը կազմում է 26352 մ², կրթահամալիրը բաղկացած է լինելու 3 մասնաշենքից, 144 աշակերտի համար նախատեսված դպրոց, որը կլինի 2 հարկանի, և մանկապարտեզ՝ 40 երեխայի համար: Զրամատակարարումն իրականացվելու է համայնքապետարանի կողմից տրված տեխնիկական պայմանի հիման վրա՝ այն է հարևան փողոցով անցնող ջրագծից: Նախատեսված է նկուղային հարկ, որը կկիրառվի որպես թաքստոց: Նախատեսված են նաև ֆուտբոլի բաց մարզադաշտ, մանկապարտեզի սաների համար մանկական խաղադաշտ:

Հարցեր հնչեցին նախատեսվող արևային վահանակների, կոյուղու, կանաչապատման տեսակային և քանակական կազմի, ոռոգման համակարգի, ջեռուցման, գազամատակարարման, էլեկտրամատակարարման վերաբերյալ: Այս հարցերին նախաձեռնողի կողմից տրվեցին պատասխաններ: Այլ առաջարկություններ և դիտողություններ չներկայացվեցին և ամփոփելով լսումների արդյունքները, մասնակիցների կողմից գործունեությունն արժանացավ հավանության:

Կից ներկայացվում է մասնակիցների ցանկը:

Քննարկումների պատասխանատու և վարող՝
«Շրջակա միջավայրի վրա ազդեցության
փորձաքննական կենտրոն» ՊՈԱԿ




(ստորագրություն)

Սվետլանա Կիզիրյան

Ձեռնարկող՝ «ԱՐՄՍՎԵ ԳՐՈՒՊ» ՍՊԸ



(ստորագրություն)



Փետրվարի 7, 2025թ.